


Danilo Tacchino, Liguria nascosta e dimenticata. Misteri, storie, racconti e aneddoti dal Ponente al Levante, Ligurpress, 2008, pagg. 314

Questo libro (de cöse o parla se capisce za da-o titolo) o l'è divizo in doe parte: a primma a l'è intolâ *Tematiche*, perché ogni argomento o l'è ezaminòu pe comme o se presenta inte diverse parte da Liguria. Se parla de strîe, de diâi e de fantasmi, de donne ciù ò meno famôze ma tutte co-ina stöia particolare, de preistöia e archeologia, de bestie, di nêuve pappi che a Liguria a l'â dæto a-a Gêxa, de famigge nòbili, di camalli, de famôze *statue stele* da Lunixànn-a, de legende e fœe popolari. A segunda parte a se ciamma *Storie di paesi*: èn vinteutto stöie ligæ ognidunn-a a 'n posto particolare. O libro o gh'â anche ben ben de disegni e fotografie, in gianco e neigro e a colori.



Giampiero Orselli e Stefano Roffo, Genova segreta, Ligurpress, 2010, pagg. 216

Comme dixè o sototitolo, *Alla scoperta di una città millenaria ricca di storia ma anche di fatti, fattacci e intrighi. Un viaggio nei luoghi misteriosi e delle tenebre con storie terribili di fantasmi, diavoli e misteri del mare.*

O tón do libro ò l'è legero, ma o contegnùo o l'è ben spesso, pin de coiozitàe. Vâ a penn-a de leze anche e doe introduçioìn di aotoi, che inquàdran ben a çitàe e i sò abitanti, che semmo noiâtri.

Into mêzo do libro gh'è anche de belle fotografie a colori.



e in gianco e neigro, e no èn e solite che se vedde de longo. E a-a fin, comme introduçion a-a ricca bibliografia, gh'è 'na *preghiera a Genova* che poriescimo reçità tutte e seie primma d'adormîse.



Aldo Padovano, La storia della rumenta. La raccolta dei rifiuti a Genova dall'antichità a oggi, Sagep, 2009, pagg. 132

L'otò, inta premissa, o dixè che questo libro o conta a stöia de 'na guæra, a guæra che a çitàe a combatte da senpre co-a rumenta, 'na guæra ch'a no finiâ mai e che bezeugna vinse tutti i giorni.

Squæxi ogni pagina a l'è 'n capitolo, dove inte pöche righe se lêze 'n pö de tutto in sce l'argomento; gh'è finna di bèlli tòcchi do *Canto da rumenta* do Nicolla Baçigalò, mentre primma l'è riportòu l'Anonimo Zeneize, ch'o parla za da rumenta lê ascì.

A segunda parte do libro, squæxi ninte parolle e tantiscime fotografie, a l'è dedicâ ai spasin, i eroi de questa guæra, e a-e "armi" che into tempo gh'ân avùo pe combatte. Pe chi voêse savéine ancòn de ciù, ghe anche 'na ricca bibliografia.

